

# SIC TUMAČENJE 7 - Uvođenje eura

## Reference

---

- MRS 1 - *Prezentacija finansijskih izvještaja* (revidiran 2007.)
- MRS 8 - *Računovodstvene politike, promjene računovodstvenih procjena i greške*
- MRS 10 - *Događaji nakon izvještajnog perioda* (revidiran 2003.)
- MRS 21 - *Efekt promjena kurseva stranih valuta* (revidiran 2003.)
- MRS 27 - *Konsolidirani i odvojeni finansijski izvještaji* (sa izmjenama i dopunama iz 2008.).

## Problem

---

1. Od 1. januara 1999. počinje djelovati Evropska monetarna unija (EMU), a euro će postati valuta sa svojim pravom i kursovima konverzije između eura i sudjelujućih nacionalnih valuta, bit će neopozivo fiksna, to jest rizik naknadnih kursnih razlika koje se odnose na te valute eliminira se od tog datuma.
2. Pitanje je primjene MRS-a 21, odnosno prelaz sa nacionalnih valuta država članica Evropske unije na euro ("prelazak").

## Službeno stajalište

---

3. Zahtjevi MRS-a 21, s aspekta prevođenja transakcija u stranoj valuti i finansijskih izvještaja inostranog poslovanja, trebaju se striktno primjenjivati kod prelaska. Ista osnova primjenjuje se na fiksne kurseve i kada se druge zemlje budu pridružile Evropskoj monetarnoj uniji.
4. To konkretno znači da:
  - a) monetarna sredstva i obaveze koje proizlaze iz transakcija u stranoj valuti trebaju se i dalje prevoditi u izvještajnu valutu po zaključnom kursu. Proizašle kursne razlike trebaju se odmah priznati kao prihod ili rashod, izuzev što subjekt treba da nastavi da primjenjuje svoje postojeće računovodstvene politike za dobitke i gubitke iz kursnih razlika koji se odnose na zaštitu od valutnog rizika kod budućih transakcija ili preuzetih obaveza (anticipirajuća zaštita),
  - b) ukupne kursne razlike koje se odnose na preračunavanje finansijskih izvještaja inostranih dijelova poslovanja, priznate u sklopu ostale sveobuhvatne dobiti, pripisuju se kapitalu i preknjižavaju se iz kapitala u dobit ili gubitak samo prilikom otuđenja neto ulaganja u inostrano poslovanje, i
  - c) kursne razlike koje proizlaze iz prevođenja obaveza koje su denominirane u sudjelujuće valute ne trebaju se uključiti u knjigovodstvenu vrijednost odnosnih sredstava.

**Datum stajališta:** oktobar 1997.

**Datum stupanja na snagu:** Ovo Tumačenje stupa na snagu 1. juna 1998. godine. Promjene u računovodstvenim politikama bit će obračunate u skladu sa zahtjevima MRS-a 8.

MRS 1 (revidiran 2007.) izmijenio je terminologiju korištenu u MSFI. Osim toga, izmjenio je i dopunio tačku 4. Subjekt će primijeniti ove izmjene za periode koji počinju 1. januara 2009. ili nakon toga. Ako subjekt primijeni MRS 1 (revidiran 2007.) za neki raniji period, ove izmjene će se primijeniti za taj raniji period.

MRS-om 27 (s izmjenama i dopunama Odbora za Međunarodne računovodstvene standarde iz 2008. godine) je izmijenjena tačka 4.(b). Subjekt je izmjenju dužan primijeniti na godišnje periode koji počinju na dan ili nakon 1. jula 2009. godine. Ako subjekt primijeni MRS 27 (s izmjenama i dopunama iz 2008. godine) na neki raniji period, dužan je tu izmjenju primijeniti i na taj raniji period.